

東洲草堂詩鈔

東洲艸堂詩鈔卷十五

道州 何紹基 子貞

重謁三蘇祠

川雪浪齋三字爲韵

乙卯

睂州初來時快雨奪奇熱今乘春和至一雨寒過雪新水涸未
生苦竹隱成列荔子穉難花柏幹陳似鐵回思全蜀游江山粗
可說惟有三蘇祠時時戀魂結翩然復戾止渴思兩年泄三子
如有靈爲我展箇折令人友古人古賢友來暫定知象外交非
以今古別

求友半生勤多聞直與諒徧交當時豪神志獲夷曠區區尙友
意遙集千載上顧於雪堂宴意氣尤相向入世輕一葉落筆迫
萬狀胸中頗坦平形骸成放浪今欲一斂之何處乞師匠老泉
肅而整顧瀟靜且壯是可樂吾徧重來副微尙

當日紗縠行今日試院街士氣頗樸茂布韞而青鞵叩以三蘇
文十問僅一諧時以三蘇文開策別後何所學令我增慙懷頻年苦兵
役閭左訓生涯無乃硯田荒坐令初志乖今當洗兵馬宇宙復
清佳勉哉勤訪闕期與古賢儕古賢幸非遠老柏森庭階是德
有鄰堂與思無邪齋

不晴不雨悶甚與幼翁棊罷忽聞雨聲喜而成句

靜院嘉州潤上衾江山雖好苦長陰快拚鐙下棊敲碎喜聽階
前雨滴溪南北捷音猶緩緩春秋佳日易沈沈艸堂詩老綠何
事藝梓淹留費苦吟

游凌雲山前一夕細雨不止占請諸君子和

嘉州風物極清森萬景亭前快俛臨十日盤桓雲養氣連宵臥
唧雨談心山容瀟灑盡難到花事遲來酒緩斟一醉拚將天闊

破明朝奇勝共登尋

同諸君子游凌雲山歸小酌萬景亭用前韵

回憶前時鎖院森，捫蘿無處可登臨。
偶然結構一亭子，便有超遙千載心。
別後好山招手到，公餘閒酒看雲斟。
嘉州果占川中勝，游跡何緣許再尋。

小山星四應九三君子以歸秦鄉試同日俱發適見壁

閒有顧朱兩丈題畫梅唱和詩，輒用其韵贈行。余方以言事謫官，意欲卜居終南山。兄許爲閑處，故有末語。離筵高張酒，無旨何堪一別三。君子莫愁畏景歎塵飛，正要安心冰雪裏。三年同我使車行，雲龍追逐無時已。甄文校賦疾如風，妙畫奇詩森滿紙。笑我將如還院閒，諸君方卜登場喜讀書。事業期許同支拄，時艱後先耳襲門。峽窄灘如龍，邛海天高月。

生水此外江山屈指難羨子先余出蜀矣杜陵茅屋涪翁池蓋
非得已乃戀此偉哉坡顓兩詩仙達觀不道歸鄉美爲問藍田
鄠杜閒買宅結鄰果誰比

苦雨喜晴東黃壽臣制軍作時乙卯六月廿六日

風聲招不來雨聲麾不去三年游漏天此漏未嘗遇我屋十餘
閒笑吮環婦孺移榻時苦煩頽牆夜尤怖長街成斷港水急無
處注何況窪下區波瀾沒荷芋南望新津橋北望趙家渡人有
其魚殃田廬尙遑顧大府惻然感率屬禱以步一日清風生二
日愁霖住三日火開明初陽紅滿樹想見郊野中邱頭仰義御
誠求宜獲應諷頌傳行路卻聞渝涪閒仍多苦旱處米價日騰
躍民氣尙焦遼吳楚久用兵農器無時鑄吾蜀幸安晏微索煩
財賦天時乃若斯每飯屢投箸

將游峩眉

恭與持衡古益州鋒車覈鑒任狂搜西山邛海天多煩
門氣太秋使節三年圓一廂被議時科試適畢奇峯萬點洗雙眸
官愈識

君恩重許到峩眉頂上游

登舟

游徧蜀中山

恩數重英蕩郵程所不經幽境難入賞峩眉雖特奇西顧在佛

仿

嘉州波雲山可望峩眉

幸卻使者符得遂名山想非吏亦非民官場酬

應強狂哉緩鹿性飛動入蒼莽徒步出東門矯若魚脫網江湖

萬里心翩然落雙槩

塵事方苦驚游興偶然作不令見輩知敢使先生覺吳安童子

師靜傲如幽鶴顧子詩人豪青城滯行脚王郎跌宕才行就川
南幕晨興不暇別孤蹤成落落酒杯幸無空基枰尙堪著寄言
謝不敏秋齋念蕭索

此游臨行始令兒輩知黎卿卽行不及與壽恬顧幼耕王梅翁三君子別

久不作小字月中試爲之

平生小真書古意頗有得嬾慢漸不禁求索常苦逼終日蟠蛇
龍何曾入規式江行意無在明窗動靜墨吾臂如生駒未肯就
羈勒蜀舸如怒蛟鼓努敵水力兩雄不相下點畫難識職吾聞
艸聖書精詣在楷則又聞魯公書橫平而豎直坡老灘行時作
字適忘適於彼乎何尤握腕自歎息

晚泊知眉州青神俱已過

眉州三蘇里青神三巖寺我游已再經吟燕荆閒恣舊屨莫重
溫新詩或增異昨日離成都水淺煩鷁刺今晨出江口馮虛聽

峯峯樹色轉澗澗泉響異鳥語鏗有校艸香濃可醉歷磴快欲
飛徑陟雲際寺層層闕殿闕頗覺耳目闕西登嚼雪堂萬景遠
來至雲山莽無窮郡縣森可記何必大乘經始證未了義寺僧藏經總目

雙飛橋

水聲倒挾風力大隆隆駭人三里外忽訝雙龍鬬欲飛鱗甲髮
鬚形沛艾停輿橋上瞰且怯知是南北兩水會爭鋒迸力作雷
雨跳沫騰空化煙靄請君清音閣上坐聊近茶甌緩衣帶此聲
大有翕繹理鐘鼓韞韞兼竽籟

由涼風橋過解脫坡大嵯石玉液泉

延緣宛轉橋尋至解脫坡解脫者何物止爲涼風多奇礪立巉
巖古仙題大嵯緣何此山名寄在石一窠石側玉液泉神水古

不波相傳智者師荆門病維摩娟娟龍女來得泉起沈痾此語
吾不信迹詭乃近魔要知眞實相無病亦無癢

由古德林至四會亭漸至萬年寺

蒼蒼古德林柏樹千萬輩屹如修士躬同抱貞肅慙石路險愈
高巖厓幾向背泉聲樹影合亭景眞四會夕陽鋪淺澹金碧如
繡續夜色何處來孤塔入寒靄

萬年寺宿時同行者陳乙齋廣文張春泉少尉

聖壽萬年寺意祝延慈算可憐天火頻內帑付虛誕遺構乃塵
杼新算有賓館養茗勤老僧談詩得冷伴南窗迎清風亂岫斜
日滿不如閑東軒池水堪漱盥初月低可捫歸雲暮來款紛紛
看佛牙我步殊已嬾

萬年寺夜得子愚弟京寓書及子敬弟杭州書

荒月落無處敲門一寺驚書傳京國遠窺醒夜山清河北雖歸
馬江南未洗兵屢傳
清問渥何以竭愚誠

我醉裁眉月君觀海潮奇游天下少閒寄兩人超官簿機先
息山淡隱孰招洞庭波靜未緩緩理歸橈

念王海樓病

賞契先公舊論交賤子親半生清白吏垂老箸書身秉鑑觀全
蜀研經有幾人微言通四始詩教渡迷津
古寺羈棲慣猶聞病未瘥苦心同佛證寒硯奈秋何媿我荒鉛
藥相期狎薜蘿游蹤堪報慰詩思滿岷峩

寄示兒孫

靜中規往游裁眉臨行始令兒孫知平生雅有獨游興恐嬰物

務相牽羈錦城衮衮多官府我雖其閒亦殊苦翩然一杖撥雲煙勝似雙鞬插塵土連日放步山轉高腰腳壯往精神超閒似白鷗健黃犢歸來一笑驚兒曹

寄懷黃壽臣

別來相視鬢霜侵記著麻衣感不禁屢成夏余銜恤居西湖淨慈寺君時陳臬隔日必來我共濟有緣萍偶合深譚無底酒頻斟形忘爾我如同氣迹判升沈總一心莫怪山行不相報恐君魂寢越遙岑

忠勤正直

帝攸褒當代臣孰與曹

君撫浙時忠勤正直扁額

感遇君真魚得水

陳書我媿鶴鳴皋目營四海懷同調肩荷全川念獨勞步向高峯看星象杞憂終夜首頻搔

軀殿

旋螺矜匠巧，輒殿圓似甕。銅冶丈六身，騎象不施鞶。誰見西來時，實事證虛癘。遂因寶相奇，奔走天人眾。婦孺疲道途，香煙絡巖洞。白水餘雙池，澹澹任汲弄。僧徒罕識字，口授有咒誦。神廟昔賜經，荒壁不知重。此寺建何時，相傳晉唐宋。

晨起走觀心坡至息心坡

人面向天天，倏臨兩足正。與山相尋欲，上不上步步斟。不墜而墜聲聲吟，旁睨卻顧千崖深。此時何處觀，吾心忽就平夷紆。腳力泉聲歡喜樹，秀色拂石盤陀坐。其側是時我心方識職，欲觀其動觀所息。

華巖頂早飯

叢叢簇簇繞諸嶺，行蒼龍脊乍迴頸。幽林倏忽異光景，乘雲直上華巖頂。中原浩浩幾萬頃，睇眺仿佛見邑井。與人邪許行轉

獷齋甌香時足力猛有僧能思願臙冷曾棲補陀浮海艇九華
五臺俱目領萬里歸來此戢影我雖足迹半行省若說狂游今
始遲世閒千幽萬奇境幾時到徧心始肯老頭陀前餉粗茗謂
此妄念卻宜屏且就近路滌遐迴我聞此語淡自警瞻高眺淡
氣一靜山磬鳴時睡鶴醒

開山祖殿

昔聞古德言普賢佛長子時乘六牙象行至義眉止眷屬三千
人密證普賢旨寶掌生千歲設象始供禮蒲公采藥至教相復
現此立殿曰普光開山有遺趾寶掌東周僧蒲公西京士普賢
來何時渺渺不可紀何去亦何來其來在無始

通天大師塔陳乙齋云舊有碑題活普賢塔

佛殿莊嚴四百年當時止爲一通天普賢已是空空相塔底何

來活普賢

由鑽天坡至雷洞坪

蛇行蛇屬相攀牽人來鑽天天可憐線路斗絕四五里暫憩已
是雷洞前每年六月雷接殿電光照見雷公面洞神逃出露奇
形雨腳斜飛橫怪箭濛濛下界千萬家掩耳但聞天鼓搥上方
金殿老居士一竿赤日曬袈裟

至山頂

八十四盤三倒拐行人貫魚兼爬蟹卻愁天近地欲離似蹋空
行得懸解天門石畔雲側行太子坪前泉亂灑山高百產猿鳥
絕地冷千年柏竹矮盤旋已至我眉頂宇宙闊遠視聽改何必
雲容水氣合孤峯而外都成海萬形皆下此獨尊四大真空我
安在多少天人今古思呵壁從頭叩眞宰

七日宿金頂寺

山勢西來浩不收蜿蜒到此忽迴頭
玉毫靜放千峯采金德眞先萬國
秋微月帶雲棲獸棟繁星如雨溼
羊裘此身果在神霄裏笑煞人間
女牛

佛光

有佛無佛吾不知云有佛光今見之
光明若是佛性具緣何吝使人人
窺謂光明中乃有佛不光明處佛
何爲行人走至光明頂俯瞰下界
懸厓屢兜羅綿雲萬壑起一白旋
轉如窠絲展雲方合氣一靜晴空
曠見臨炎曦層層環抱五色現其
爛如錦圓如規規中莊嚴寶相出
我相佛相何成虧一彈指頃一隱
現淺淺聚散成迷離漸看雲厚日
色薄佛光一曠歸希夷雲邪日邪
卽是佛雲日佛理初無歧雲日之
外別有佛佛法先立雲日隨

卻思古佛未出世雲光日色根兩儀其時佛光無人說有光定
先無佛時非空非色本元幻無來無去多游移佛光尚可偶一
露我心光明何可期噫嘻我心光明何可期普賢爲我長低眉

普賢西向

今夕是何夕此鄉是何鄉一登峩眉顛精神多彷徨東賊齊豫
西蕃羌北瞻秦晉南荆湘屈指五年來多成兵馬場但見城郭
破壞人民夷傷猛將損折庸臣逃亾衙廟化焦土婦孺如驅羊
國帑民脂膏剪肉難補瘡見劫不救何爲空王見賊不戮何爲
金剛近者廓夷顛蠢動覲我衛藏侵封疆何不一放智炬火何
不一動慧劍鉞制而伏之爲剛猛力柔而化之爲慈悲腸乃獨
選此清淨處無言下視人奔忙山下千千萬萬人終年朝佛來
進香兒童隨翁媼夜住冷雨廊絲穀化金錢來充僧齋糧番回

瞻禮更勤苦二三萬里踐雨霜我心急迫無可商來此懇佛非
荒唐菩薩亦可憐斂盡玉毫光以灰槁木然悲憫向西方不敢
回頭一東顧萬年枯坐看夕陽

聖燈

一燈乍起一燈墮一燈離立一燈安十五五斷續來懸巖倒
瞰明細瑣惟有東南決滂區杳杳天低萬漁火狂風乍起猛雨
飛眾光明被寒雲鎖峩山金頂半日住見佛不拜僧疑我佛光
晝見夜有燈謂是日緣庶乎可我時擁裘衾抱冰走呼起看媿
老僧退思其旨艱難度木葉燐火皆無微山空壑迴與幽處人
神共界理可憑未必見燈卽見聖要知無望必無燈

亮光石

雪花六出天所匠精流山骨成石樣雖然六弱陰數凝奇姿詭

勢卻殊狀偶然歧出得駢枝更喜層累森疊障水波內蘊尤足
珍陰精腹陽煥成浪我家九疑山下村將軍策馬天山根見光
明石盡類此大山所孕同化元泰衡嶺華四嶽顛鉅石羅立如
初蓮山顛山腹秉氣一竇是石者然乎然天山根石樂彥亭曾
談及嶽頂必有鉅石
峯勢起圓秀則
余所親觀也

晨游白龍池歸至觀音井井本名半月池一山仰汲

一泓白龍池石底得龍子方類形質奇入手可怖喜何爲近甌
益不挾風雨起不如半月池澄澄一畝水汲飲萬僧俗自古無
窮已乃知不盡法自有慈悲理何必稱觀音我聞曰如是

紀廬

瀧岡誰爲築蒿萊南望湘雲黯不開淚枕驚回寒雨聲兩親同
我上山來

寄懷樂彥亭將軍

清風大樹旃驚筵匹馬曾穿絕域天直以樸忠酬

北關兼持威惠鎮西川別來錦水三秋思獨上巖峯萬仞顛西
望茫茫通衛藏思君

重寄正籌邊

時奉旨
議勦廓夷

山頂大雨

朝陽倒射紅照破山色古忽掩日半規漸騰煙幾縷倏起四山
雲合作一天雨山高天同高此漏恐難補舉頭一握是天庭坐
起頗聞天體腥風雲雪雨其一孕隨時融現斯殊形不同下界
元氣碎雨師風伯煩使令雨聲挾風在空跨晡候尤濃漸卜夜
化成奇霧入寺門來奪佛鐙占僧舍我時披裘復擁爐欲睡不
能吁可怕惜哉此雨太近天如珠如玉竟徒然幾時落到人閒

去徧灑中原上下田

萬歷鐘

當時冶銅作金殿本坐山頭正南面幾時天火捲屋飛改向西
方臨佛旬後來非無回祿殃補葺因循不更變厥初遺構餘石
基我來弔古生悲戀一鐘皮置西南隅萬歷年間鼓洪鑪陀羅
尼經千萬字字字鑲入銅肌膚上言延長祝慈壽下言鞏固綿
皇圖不思苞桑有本計一鍾一寺何能乎嗟哉明季任閭宦累
朝太后見聞憤九蓮菩薩已可嗤陳娘娘事尤奇幻藥甬俱刊
司禮名耗奴佞佛徒褻嫚惜哉總制王象乾廁名其間混鵬鷃
傳旨鑄造何人邪勤侍夫人彭金花

玉毫光

康熙四十一年

聖祖御書玉毫光三字直扁賜峨眉山金頂寺嘉慶二十四年

寺爲火燬此扁亦歸天上矣臣因寺僧之請敬謹補摹

賦詩恭紀

師行青海日威鎮白雲鄉

睿略存綏遠名山與飾荒霄明金頂殿墨灑玉毫光內使虔傳
敕疆臣肅進香

天聰通慧諦佛力渡慈航毛孔眞花燦眉珠智炬揚似聞圓覺
現果報建藥藏妙相三空滿琳宮萬寶裝諸天龍象力四海鳳
麟祥法宇驚謫出

天題入渺茫金繩嗟墜落蓮界亦荒涼自恐輕塵筆重摹

瑞露章師良功屢捷

昨見邸鈔知各省捷音

震旦慶無疆雪月煙霞麗千

秋拱法王

銅殿自嘉慶己卯回祿後小銅佛及銅瓦破毀滿地無人收拾余檢得一瓦歸上鑄冉鏡瓦三字

一殿裝萬佛是萬卽是一紛紛刻鏤煩何處是眞實一瓦一姓名大願度眾生世間人萬萬銅山不勝傾風頽雨溜雜沙土三十餘年受諸苦菩薩自由僧護持冉鏡攜將下山去

永明華藏寺銅碑集王右軍書又有集禱書一碑皆萬曆癸卯刻

一錢一米作佛緣一拜一念爲信種何況明珠字字光照耀人天競扶捧右軍波領義眉游人足不來周益州遲期乃以日爲歲惜哉此願成悠悠流傳幾几千年韵鐫入青銅作山嶺例創懷仁聖教碑盤脫檀樾成祖印彈指天花悟墨禪瑤臺青瑣更嬋娟菩提信種須傳徧歷代書家總善緣

下山

上山莫猶豫下山莫慮速煙雲變化奇多在迴頭處

冒雨下山

客心如歸雲趁雨且疾走但聞萬瀑聲洶若龍雷吼旃檀九層塔枯木已半朽天門兩扇石一合恐難剖卻顧華嚴頂秀出眾峯右踦瞻大峽顛妙入無何有吾願頗易足看山嬾迴首

回過瓢殿見陳娘娘塑像

上山如曳布下山如引繩較其難易勢百倍相除乘行過放光巖一嘯萬壑瘡疾下觀心坡足快心頗矜側步入輒殿對面樓試登傳聞陳太后師事通天僧正史無可據野乘徒誇稱宮殿儼天人畫像在繚繒何苦付佛寺點盡齋廚蠅因畫更雕木附會事相仍先參大師像更上相姑鐙

俗傳陳后爲閩人進香者呼爲姑姥

還宿萬年寺比前日冷多矣

三日狂游忽往還息心重與叩禪關雨聲送客仍聯夜秋氣隨
雲盡下山拜佛人稀香象冷誦經僧嬾木魚閒觀河鰍面休相
笑聊借方池一照顏

東軒後
有方池

晉唐古墨

帖四種合裝一冊癸卯初春以七種楞嚴經錢通參字

一幅從牛鏡堂丈易得

七種楞嚴一錢字聘取晉唐古墨四黃庭肥本天下無貴白欣
藍乃法嗣槐廳禊敘韓拓珍官奴洛神玉版膩麻姑壇記最醫
俗種蠟不似文本媚十三年不一日疏黔南嶺外僞使車匡廬
黃山奧絕處聽松觀瀑汝與余裁眉山頂靜閱古氣壓天風吞
海雨試看一字一佛光妙吉祥雲縷萬縷

題石濤蓬樵雨畫冊

韵勝方能眾妙兼蓬樵筆突苦瓜尖
我山若使游蹤到奇氣還應十倍添

改由石船子龍門洞下山

臥乘肩輿下路仄實難步任汝汗漫行盡我孤邁趣左溪右必
高轉瞬移所遇湧沱來何猝怕占此山住何曾有此心山靈枉
吾姑行過石船子奔泉兩山錮龍門洞絕奇鯢盤此回注幽湍
出地靈猛雨復天助試聽懸瀑聲聲挂巖樹山水無盡奇全
仗風雨鑄

回飲幾翁署春泉見示董書左忠毅公傳

爲有良朋緣獲遂壯游福兼以健步從嗜奇到重僕丈人念我
勞迎候來郊牧再酌古柏堂風露滋胎菊醉讀左公傳鐙影生

慘繇大名媿應城狂風隕貞木詳哉力田科偉矣人材錄志士
無古今勉旃嗣高躅

秦丈邀重至龍門洞旋酌於伏虎寺

重來洞口憩世界異陰晴大樹作龍氣亂泉猶雨聲雲高孤徑
裊峽仄萬流爭愛客豈山性幽暖煩送迎
去郭十五里白雲尋寺棲何須大戟頂始覺萬山低搖扇驚荒
蜨揮杯笑渴覓無勞持戒定心上有菩提

古慈福院

銅鐘與銅塔悉是佛說法顏敗許多年不能活一衲佛身皆露
處遭棟棲野鶴我法有與無問佛佛不荅

李雲生詩來招我再往嘉州余方由峨眉下山欲游瓦

屋次韻奉報

山氣真從腳底生到高寒處萬僧驚

山僧云多年未見有緣鐙

佛誰應義滿指星辰不可名西極昆侖方右顧中原郡縣盡東

傾此身大有飄然想何必凌雲羨長卿

嘉州迴憶雨前樽尺素頻頻枉注存一葉且教離宦海九閭何處叫

君門敢云抗議難諧俗暫許狂游益戴

恩前路好山迎杖屐詩懷它日細評論

東洲艸堂詩鈔卷十六

道州 何紹基 子貞

夾江訪兩楊君闕

乙卯

兩楊石闕洪氏譜燕亭再入金石簿我來夾江日當午過河十
六七里許享堂壩前森可觀兩闕相距才數武一在水申一在
渚諦觀其字星斗數但有德仲無仲晉仲晉碑陰字楚楚清熙
己酉句躋苦意謂碑僵重扶樹田水聲喧昨過雨垂垂稻穗爭
搖挂鄉民幾曾見官府逢使君至觀環堵使君之來意奚取攷
獻甄文非小補何惜田閒五尺土忍令寒碣水中處太息邦人
不好古

夾江縣齋馬復兩大令共酌衙西有大菜園大堂閣門
向不開

一半衙齋半菜園宰官長日掩公門好山未許窺庭訟明月猶
能照酒尊塵塵已隨秋水淡素心宜共晚花論院有素心蘭醉餘客
散涼風起一院蟲聲枕底喧

千佛巖

有魏了翁撰源書院及雲吟山三大字巖前有三水合流

十里好巖壁止嫌千佛多何如華野爰來結讀書窩山氣曉團
鶻江聲秋吼鬪撥源向何處三水各濤波

過石面渡至三寶寺

仙谿誰滌稚川家金笠山前石徑斜危崖千尋天半削扁舟一
蕩水三叉高粱矮稻村村稼古柳新桐步步沙野市未嫌人語
鬧得瞻舊史聽兒誇

到洪雅贈伍芸青

頗厭當場熱燭官故人雞黍有餘歡野行似我疏狂甚迂性得

君將就難能吏妙存真樸意衙齋止作里居看隨時了卻公家事客散兒喧睡自安

芸青邀游月珠寺田公書院雅雨樓

東南避敵計遷延賸有藩籬在兩川鐵鑄壽山兼福海題名留

得紹興年

月珠寺中有紹興開鐵鑄壽山福海二物

有山有井號修文舊宅猶傳諫議君書院尙存遺直碣野人爭

指狀元墳

田公書院有正德開遺直書院四大字碑爲宋田錫立狀元墳者田公先塋也

我眉且屋兩崢嶸日對奇山待政成敢牖膠庠盧雅雨甄蒐文

獻宋梅生

洪雅文教開於盧雅雨嘉州府縣各志皆宋梅生丈守嘉定時纂輯

雲生太守乃郎伯孟

崇鼎

潛習余書久矣太守合來洪

雅執贄門下媿不能卻是日大風雨

自媿迂疏跌宕抗顏最赧作人師煙雲偶染書家派風雨來

修弟子儀儒雅故應綿世業恢奇何止異凡兒
看山我又憇憇去樸語無忘贈別時

山中卽景

十六日過花谿住案場

單夾輕棉取次加新涼先到野人家
天時大有城鄉別開徧淡山老桂花

綫路如絲引未休山行無處計
庚郵巖腰乍轉與人笑已出嘉州到雅州

遠樹團煙箇箇圓新晴發出淺藍天
飛泉百道喧如雨匯作洞潭轉寂然

負戴官鉛項背彎艱辛才了互牽攀
巉巖萬仞人偏聚止爲天生大寶山

梅坡

十七日宿烟溪場

峭壁梅坡險，輕煙柳店遮。
黃垂蠶蒜子，紅綻鹿蔥花。
路曲因泉直，崖深易日斜。
雨聲來恐客，燈火辨人家。

鐵索橋

五里一鐵索橋，十里一鐵索橋。
一搖一步一凝視，橋實不搖人。
自搖我手，緣索心正靜。
俛瞰波流自見影，過橋又上山坡行。
止當過橋足毋騁。

史秀才

記率孫

良佐

來謁兼攜邑志就商

偶拋冠佩看山行

所至城鄉多有生童來見

到處門徒有，送迎今日荒村風雨裏。
尙勞雞黍餽先生。

升高能賦典型存，邑乘從容費討論。
莫厭山深文采陋，六經勤

誨讀書孫。

姚豫庵少尉以武生充科布多書吏十五年得官洪雅

縣典史又十三年矣今日阻雨聽其談回城事率成十
六絕句

將軍立馬古雙楊
哈什邊連葉爾羌
一例屯田將廿載
茫茫千里稻花香

城中換得紫金錢
珍重來從安集延
邊餉歲糜三百萬
空教寶

氣燭夷天

金銀礦處
處有之

一錢買菜不論斤
米肉斤才四五文
惟有酒香風味別
任它日

日醉斜曛

伯克分明大小莊
年年租稅貢回王
更煩催納官兵餉
小麥人輸一斗糧

將軍親下大圍場
左右橐駝回子王
今日試騎千里馬
片時踟

徧萬林霜

千里馬
常有

旁行右出異中原且把回書教子孫到底人閒文字貴同王亦
解敬阿渾

冰山五六兩軍臺磴道全因布運開惟記師征張格爾巖梯頻
見相公來

烟禁初聞峻法頒幾人生入玉門關豈圖內地翻滋蔓止爲慈

仁廢詰姦

道光中年回城鴉片禁極嚴軍犯有犯者官不忍置法皆解回原籍輒不待入關已焚矣

不事焚波待火炎打冰相約向山尖水晶盤有天然味漫道萼
羹未下鹽

地煥泉甘種植宜桑園蠶繭止兒嬉和闌半是唐人裔願教回
城徧織絲

于闐采玉當農耕匠作仍輸內地精水產不如山產好老山還
遜子兒清

八城遺犯許從軍赦令還鄉最苦辛畱得伊犁三十萬開田何
必更招人

每歲年班向上都駝網絡繹擬程途一從貢物歸官驗無復私
裝載賈胡

回部軍興集眾謀可憐十萬擁貔貅長城專恃楊忠武僥倖文
襄果勇侯

檢點文書武秀才從軍十有五年來一官冷落荒山裏兩次平
安驗看回

時事誰迴既倒瀾古今同是將才難聽君磊落談邊事忘卻谿
樓夜雨寒

雙洞谿左右銅廠不見一人

四邑環治瓦屋山山場惟有洪雅寬銅鉛鐵炭山力富地不愛

寶人樸完榮經商民有心計始以采銅媚長官私開幾年漸登
稅毛礦易竭財力殫雙谿寺前新礦出天爲官商補蹇難豈知
滋發未三載礦苗漸少人夫閒銅歸榮經地洪雅累年官牘爭
端煩利不易興害易積巧不可恃拙可安軍興未已帑藏絀京
師郡國添鑄錢榮經之苦方未已有言利者尙慎旃

鑽天坡

又向鑽天坡上行籃輿攀陟野人驚穿雲一線無尋處問路惟
憑筍子棚

荒山古木形類奇詭瓦屋頂乃有之聊寫其似

蟠根中空成古廟荒苔繡出世尊須畢具鼻口耳目竅須眉瓔
珞見我笑我行漸遠日來照回頭諦視乃不肖山風驚起怪鴉
叫雨漏煙霾雪霜膠失卻寶相莊嚴妙

大根空中車輪懸枝柯歧出四面圓樹中有此地行仙徑欲飛
去隨雲驚苦被地媼相纏牽又或結根萬仞顛柯葉倒垂紅綠
鮮以天作地地作天是於物理然不然質家傳易曰坤乾

雪霜雨露煙霧雨浸淫宿留幾千古長年不晴少和煦偶出日
月半含吐上下不乾雲與土萬木叢立互咻嗅枝枝節節長毛
乳奇形怪相不可譜凡鳥不巢斷蛇虎嚴寒固是萬物祖木性
堅直氣來字年淡自僵謝斤斧臥雨仆雪長不腐有力致之金
滿斟

老樹見客形態殊如跪如拜如奔趨相逐相攫相擲揄大風掀
搖舞盤紆作氣齊力來戰吾彼勢則眾吾力孤此身疑立化樹
株靜而視之轉麗都卻非近玩可褻汗鳳皇黃龍天馬駒靈芝
神鼎青珊瑚奇祥異寶世所無斑斑爛爛堪指呼安得顧陸丹

青徒寫作名山獻瑞圖

擦耳屋

兩厓壁立石相距僅盈尺待我走過時汝方合爲一

由獅子巖至瓦屋頂路塞不可行雙洞谿僧顯鏡持刀
先路伐竹木亥正始至山頂光相寺寺僧逃盡幸有薪
米几榻得以食宿

掀公出淖若飛騰走盡荒庵白足僧作飯快傾瓶裏粟然新聊
借佛前鐙未勞招隱逢支遁差喜隨行有惠能山賊幸從靈運
後溪宵伐木斬荒藤

木皮殿

步出泥水中走上木皮殿然鐙尋衲子照見菩薩面低眉已睡
著見客色不變待客睡著時才把光明現

早上觀光臺俛臨金剛石

何佛是辟支何相是光相步上觀光臺神光幾時放紅日到人面乃知寺東向蒙氣埽盪餘諸天來照曠峩眉若拱揖東西屹相望須臾白霧起如綿復如浪鐸作一天雲匿盡千重嶂惟有金剛石突兀不相讓疑疑時吾前剛正萬夫將吾見亦悚然有念不敢妄

鴛鴦池

獅子巖至鴛鴦池十里皆平坦積水

法界鴛鴦飛上天長橋終古臥波眠高原坦蕩無人到煙雨寒多不可田

水星巖

茲山如佛母胸脇具百乳法漣空中飛滋養萬兒女眾竅外發中相通懸流聲出初日東八功德水真無量一洗人間煩惱空

瓦屋山各寺俱記

雷洞坪前霧雨泱泱窺寺路古苔侵多年菩薩無香火和尚猶

爭箇子林

時僧與紳耆爲
箇子林結訟

由瓦屋下山改由榮經路仍險仄至萬峯庵宿

我倉與瓦屋天生兩山竹我倉十之三瓦屋得七六不高亦不
粗陰凝善孕育連山箇子棚千里來販鬻不脛走天下何止億
吾蜀我聞西賈言其味非一族我產香有筋瓦屋肥多肉山性
各使然同雋不如獨連宵宿荒寺今日命吾僕巾車避昨險言
指榮經麓竹徑鞭亂行爾盡興人足我乃徒步從見箇不忍墮
無如數顛頓不免相踟躕下山近百里落日挂高木出竹竟無
時萬峯庵裏宿

韓孟傳大令贈觀音山茶因言榮經麓桑頗盛今皆廢

而采茶矣

榮經茶引行腹邊稅銀萬兩課三千觀音山產最上品質輕幹
短色味鮮地下出泉天落雨但到此山化甘乳一旗一槍悉慈
悲不寒不削滋肺腑其中細葉尤可珍箬籠錫匣貢

九閭人人皆具媚茲意雨前采盡一山春開山寺前石如鏡照
見形容可端正紛紛兒女叩觀音保佑年年茶事盛觀音有靈
應歎嗟吾民不肖做人家多年拋廢蠶桑業競唱山歌來采茶
高君碑

上年偕張蘭臺太守王介堂大令至孝廉橋訪高君頤
墓闕及碑碑在榛莽中屬兩君構屋覆之今日過此庭
宇煥然古景賢堂太守所題也

昔年初觀高君碑沈劉二子拓本詒

沈則亭劉燕庭昔誰期古
年皆曾兄贈折木

福劉游健石刻摩挲看鬚絲年前雅州校士罷尋碑廣野張王
隨田間先見雙關時員方悉著高君字字盡完缺乃偶然豈宜
分屬君昆季王稚子及沈府君一人兩關固有例迤北里餘碑
完堅荒畦破屋榛菅纏我思買地爲墓字庶昭仰止俱墓研今
來庭廡乍炳煥碑石傑立無崩齋殘文尙有百六十手摹口誦
增明妍西川東京石八九石闕神道字如斗惟有高樊兩豐碑
文章爾雅書律厚樊碑建亭在蘆山欲往尋看阻重阜高碑獲
庇堂宇渙文獻護持賢令守秋風獨過孝廉橋墓闕相望鬱蒼
巍景賢堂上觀碑久古意江山未寂寥

名山蒙頂貢茶賦示陳新盤明府

將
蜀茶蒙頂最珍重三百六十辦充貢銀瓶價領布政司祀事虔

郊

廟用旗槍初報穀雨前縣官潔祀當春仲正茶七株副者三旋
摘輕烘速馳送仙人手植東京前後來化身入蒙泉古風古雨
飽噉吮高三尺壽二千年朱闌環之鎖紐貫縣官來時一開看
我於茶品太疏略喜陟高山到天平夾江昨讀酒官碑名山今
謁甘露師敢云飲啜事瑣瑣民生

國典相綱維權醕源流有通塞當官桑孔要深思

回到洪雅署芸青復款留一日因游臨江寺

瓦屋歸來得少休高齋閒院又勾留看雲步出臨江寺隔水還
明雅雨樓鄉里性情珍小別山城風雨易淡秋連宵病僕勤
護暫慰山人一夜愁

吾僕陳芸病留任署今令先歸去

丹棱張梧岡大令約游龍鶴山因雨不果

行人丹山棧水鄉不應文采竟荒涼子真自築巽巖室潛老來
題大雅堂尙有長編傳史席更無片石記詩王嶢嶢龍鶴峯嵐
近冒雨尋幽媿未遑

至睢州宿三蘇祠次日博西山署收胡觀樓通判邱稼
邨廣文陪游墓頤觀復東北行謁老泉墓歸飲睢州署
作用癸丑夏初謁蘇祠韻

已折義眉筇又爛瓦屋屐往往清夜寢行觸百丈壁迴思一月
來快若躡仙迹躍上銀河槎蹋破補天石身臨高山顛不知心
所宅幸至紗縠行聊與斂魂魄游山無盡期止酒無良策髮齒
近六旬貪險靜自責

兩世積俸米化爲萬卷書田宅雖不具此物差有餘我老炳燭
光何時不學歟胡爲諸孫輩止覓梨栗儲平生苦泛覽疲馬馳

荒墟想慕蘇氏學養氣本子與三度眉州來欣然棲此廬讀書
有種子念我舊庭除

當時三父子初其青雲翔老泉齋志去坡穎粲朝行中間判升
沈星斗鬱相望聯牀聽雨約此意不可忘我幸脫簪佩舊學田
鋤荒惟念叔與季燕越各異方用時願不遂天倫歡可常何時
中吾車歸聚六福堂

坡穎真達人不復返鄉里至今蘇家墳文安抔土耳柳溝山盤
曲老翁泉尺咫西行三里餘便抵岷江水水去不復回波瀾萬
端起丈夫志天下焉能戀故壘扁舟返東門倏過峯岫幾還登
遠景樓超然百世士

眉州署後遠景樓東坡有記

一
墓頤觀

老泉墓前老翁井墓頤觀裏老人泉泉井相望廿餘里佳名都

稽老泉傳

兜子

八月初一日
宿新津花橋

一方兜子兩竿竹
竄破荒荒猿鳥羣
莫怪與人肩荷重
歸裝添載兩山雲

沿途小轎皆赴舉者
余令輿人不得與爭路

畦塍小路眾輿爭
桂子香時正趨程
讓汝出人頭地去
老夫緩緩看山行

入城

西風試冷促歸期
好癭酣餘欲醒時
煙雨四山田水活
入城今日且遲遲

編游艸竟漫題一律

地志山經爛漫披
紀游聊補昔賢遺
少陵雪嶺松州畫
坡老孤

雲落照思儘有煙嵐爭決盪快憑煤麝恣娛嬉三年蜀道皇華
艸添得幾眉瓦屋詩

酒後爲黃濟川畫蘭

大月圓時露未圓庭前欲放幾枝蘭由它爛漫爭秋思石背孤
叢最耐看

爲胡錦泉畫蘭

酒後輒畫蘭醒時無一筆錦泉乃強之欣然拂幾尺雖然花思
來那得酒氣出

醉後畫蘭門人朱眉君見而愛之爲題四句

醉後狂將水墨塗醒來花葉兩模糊仙根尙在雪淡處未肯隨
風入畫圖

重過留侯祠步陶文毅丈韻

神仙窟宅萬人過柰此功名富貴何隱几從來南郭少移文休
訝北山多孤椎博浪饒秦鹿四老商山損岫嶰恨不早隨黃石
去功臣兩字費銷磨

去蜀入秦紀事書懷卻寄蜀中士民三十二首

趙敏

道光三十年春

皇上嗣服命中外大臣保舉人才以備破格錄用余時丁母
憂同籍張篠浦少寇以登薦臚咸豐二年三月服闋七
月入都蒙

召對於圓明園八月初六日

簡放四川學政初九日

召對於乾清宮

垂詢家世外於諸經注疏正史綱鑑宋五子書及說文篆分

之學竝原籍道州被賊湖湘防堵情形由京至蜀沿途
關河道路

溫語諮諏靡不曲至跪聆占對暑移六刻始出九月出都十
一月抵蜀於恭報到任摺內奉

硃批一切地方情形隨時訪察具奏蓋蜀中吏治積疲

聖明洞鑒久矣三年春歲考成都就試事力求整頓五月奏
報考試情形奉

硃批汝能如是認真朕甚嘉悅嗣後出省按試有關係吏治
民生及軍國要務者隨時上

聞四年夏秋間以南江縣鄭懷江冤獄及大吏需索陋規河
東土司安安氏安平康母子爭襲各案先後馳奏

欽差大臣前來查辦悉如所議平反辦結浙撫黃壽臣中丞

御賜扁額褒爲忠勤正直者也茲

特擢爲川督言官或以蘇杭保障奏留之

上意重在蜀不之許壽臣與其兄帖生孝廉先後出先文安公門下又與余五弟子愚爲兒女姻親素日講求經世之務與余最洽聞其來爲蜀人慶且其濟一方尤私相慶也壽臣以三月杪抵蜀任於余所奏南谿縣廩生萬時恬被誣逆案及各州縣錢糧津貼多徵少解之案俱奉

旨平反懲辦吏治一清至五月廿四日余科試潼川完竣回省知於四月內因縷陳時務十二事

上責以肆意妄言由部議以私罪降調矣六月八日交印於壽臣卽移居中協開署清釐解部冊卷畢七月初一日

出游裁屑瓦屋市月回省士民上扁建祠立碑紛紛相
屬壽臣率屬議勾資創立艸堂書院如學海棠謁經精
舍之例欲以畱余樂彥亭將軍亦謂民望所歸殷拳挽
轡余念以舊學使作寓公於公私皆非便決計去蜀入
秦它日或入都補官或暫還鄉里從容再計也適壽臣
屢有小恙不忍言別既定期九月十九日啟程余於十
八日獨先出城矣行途雨埃旅館寒鐙憶校閣之辛勞
念士民之感戀新雨舊雨相應相求悵惘盈懷拉雜成
詠得七言律三十二首因風寄與俾士民知我之不能
忘蜀人猶蜀人之不能我忘也咸豐五年歲在乙卯十

月廿一日

嗣皇初政眾賢愉虛薄猥蒙

特達殊學術徧詠經史業

聖心尤注洛閩儒鄉邦戎馬塵

清間驛路關河凜

睿謨重點班行才幾日遽塵星使益州趨

閩黔粵嶠職書賢又度秦關叩蜀天乘傳欲經行省徧提衡尤

被

主恩偏詩人自古多游蜀傑士於今半在邊時事需材掇滯佚

未容珠玉閤山淵

三
次典試已亥
福建甲辰貴州己酉廣東此

經者廣西雲南甘肅而已

臥龍橋畔亦吾廬尙記長安不易居儒素杯盤宜簡淡使臣儀

從要清疏軒庭潔處無供帳童僕閒來盡讀書退食洽風廊下

步小山新井萬林於

蜀學使署在臥龍橋左余性不嗜海棠不喜浮華所至如卓園橋披地毯等皆撤去

吏役不准濫用頂戴僕輩不得服綢緞及外套出門止隨一僕
轎前不得有馬川督學雖四品以下皆乘綠帷轎余不敢也署
中小山力池新井治風廊皆余所作爲退思地治風廊者於窪
縣得六八分書斷碑持歸置新廊下中有治風二字因以名其
廊也凡隙地皆種竹合溝間以梧梓

圖史前橫洽古歡閣門不閉此中寬科條貴本詩書出吏役真

同弟子看賴有冰心聯益友何曾鐵面向同官滿懷疏快多傾

倒不信於今直道難省署及武院煥閣常開與書吏談律例必

爲去取暇時教以做人之法擇字迹端楷者入署鈔書但率吾

教從不鄙夷之御事出署時環跪哭送余亦爲之愴淚先後所

延幕友吳壽恬師小山王梅孫送子重彭綱九馬星四

何伯石願幼耕皆屬品好學賓主互爲切磋相得之至

禮殿景蕪石室選典型遙企二千年尋碑馮沈高樊外寄韻蘇

黃杜白前楊馬定參文學坐魏張許接道心傳聖功本末昭彰

枉擇術何從尙慎旃

按部隨車雨潤途試無停晷未知劬講章案徹聲聲棒題目銚

明字字珠多士競抽才警拔老夫微較理精粗言期有物文章

貴曾向身心體認無

按郎所至聊得快雨傳以爲奇下學講書爲諸生透發書理引到身心上咸知領會

從不出割截纖巧等題意在規其實得也

教本躬行晚執柯課程何敢責人苛經心鉤摘歸閱義史論縱

橫逮雜科識字詳諷誦乳始和詩還喜繼聲多閉門更有千秋

紫勸訪幽人到薜蘿

此生平看書每日皆有課程今尙如是常以訓多士攷經爾務求微言大義不尙輕

第說文之學甚有入門者正場外常作詩令諸生和仍據揭等第示獎采訪通人有經史攷辨及詩文著述成集者獨行蒐閱

整暇何容恣桀驚萬人敵不在弓刀休安樂土成嬉戲莫獲干

城出俊髦將種古來推隴蜀兵機今孰究鈴韜諸生試向東南

望肯待從戎買戰袍

武童時有桀驁惟論以忠孝大義亦知感服

掄材鉅典肅輶軒綱要維持太守尊卑服不容僭士族素衣何

忍廁公門私庖餽食同家課新秀簪花溥

國恩朱字煌煌仍面命臣忠子孝是根源

知府當提調蜀中久失此例特奏復之差

阜濫考及匿喪應試者從不姑容即持服官員亦不合入吾署也獲試生童皆賜食新進文武生獎賞花紅蜀中久廢今始復

之發落時朱筆書牌隨地教誨仍呼至公案前剴切面命

最憐澆習久因仍申做頻頻示勸懲筆託鸞仙滋謬妄花栽焉

粟太薰騰牛牽忍使遭屠伯鱗隔休徒富勢僧職在采風兼厲

俗匪將法律苦相繩

扶鸞請聖傳刻偽書張片盛行蜀粟花或迷肝所宰殺耕牛僧寺吞并田業皆隨時

出示嚴禁

褒衣頗類魯諸生核實頻將故事爭秦守永宜祠灌口謫仙何

必系彰明墨池規復書堂舊羽舞儀斟祀典誠卻望合州煙雨

裏隔江嬾問釣魚城

淮縣江神廟二即矣素請更勸祀李冰父子今則祀楊

之彰明諸生請以太白入鄉賢余爲補蜀道難詩論以太白必

非蜀人孫琴峯丈視學時捐置墨池書院既彼人侵占又因

吳蔣書院頌聖改此爲芙蓉書院余親爲履勘規復墨池作

址何重題墨池書院扁額以斷葛藤閣帝升入中祀樂舞用

八僧謂春秋兩祀也上年省中於五月十三聖誕日行此禮
移文制軍糾之合州城內諸生修釣魚山城寨欲移州治爲避
賊計已奉大吏借倉穀辦理復請余往勸余以舍州

城而上山無賊自戩於事理非是移文制軍停止

迂性難誇決獄才鈴轅赴想動矜哀誠求頗覺聰明牖理諭旋
令翳昧開判筆幾行餘涕淚爰書三尺總塵埃最憐風雪遲歸
候抱牘鳴冤午夜來學政例不理詞訟然控告紛紛見有沈滯
多年者隨時傳訊皆一堂卽結判諸一出
多有感涕者府縣送來舊卷或至二三人從不開視止就常堂
兩造判決是非而已每一出門輒輿控訴夜間赴席歸來往往
守候轅門懇懇要之無了期也

訪察欽承

聖聽兼勤敷

德意予均霑學官廣勵仍籌帑巨獄平反敢避嫌世守獨持邊

計重官箴先責大臣廉迴思鎖院甄文暇艸奏淋漓夜燭添

律賦加廣學額督藩文冊逾歲不至奏請飭催西昌縣河東土
司安世榮故後嫡妻安安氏權襲庶子安平康年己及歲安安

氏延不出結且以蔑母上提省將近一年仍欲令安安氏暫攝余至甯遠時據黑白諸夷呈懇斷令安平康承襲乃將軍總督以余議案劾奏余得降附處分欽使來查仍如余所斷奏結試院奏事恆於鏡下起艸次日即籍發矣

濟時籌乏錦囊揆恥作書生紙上談文字專司歸總握安危全

局敢分擔將軍雅度成傾蓋制府淡交慶益簪促膝談譚惟

國事心馳楚北與江南

時事如此艱難何敢以學政不管地方置身事外樂彥亭將軍黃壽臣制府復

摺謙訪度凡有閑緊要之件多與參未議

蟠山不斷是川東西覽青城望眼空象嶺南來連雅雨劒閣北

走入秦風蛾眉峭落烏尤秀魚腹平增白帝雄峻絕竇圖卷石

耳五靈雲際最瓊瓏

青城和灌縣峨嵋烏尤在嘉州魚腹浦白帝城在夔州竇圖山在龍安五靈山在酉

州

看山一路俯岷江大渡嘉陵夾鏡雙萬里建瓴初會合千村築

堰利耕殺酉陽直下馳飛箭襲府歸來警破艘最惜錦城衣帶

水好勤疏濬起樓窗

就江作堰灌田水利爲天下最西陽翼鄉下船最險急然船質厚重無意外虞由夔

州同至萬縣上灘舟破可憐之至成都省垣中水道急應疏通水邊風景亦不可少也

焚香拜疏動

天顏玉署輕離侍從班十二事惟期納牖

九重恩未許歸山廿年貝嶠方壺迴一月義倉瓦屋還兩版閒

門紅石柱縱無風雨也常開

被議卸事後借寓東門內紅石柱中協署遂屏應酬守令等來候者

不輕見也

故園風鶴五年經骨肉相看等聚萍兩弟睽離懷舊越羣雛曉

笑滿階庭呼兒檢篋隨勤惰愛客談詩任醉醒涼入秋堂吾早

睡書聲幾處夜鐙青

二弟于殺早逝鄰氏攜兒女同來蜀三弟于敬兒女新從湘中來頗有歡聚之樂兒

姐輩檢理行裝余日與三數冷交飲酒賦詩談碑道古致多閒趣

名儒開濟自千秋籌筆勤勞苦未休陵墓永尊昭烈帝祠堂偏

屬武鄉侯錦城蔥鬱遺輓徧青史推崇正統留一代朝廷雖小

小君臣氣象近虞周

八月初二日由義眉山回省憩武侯祠

三年閣筆艸堂詩敢較低昂向拾遺孤韻每從無意得一生不

作強顏詞遙遙尙友歸忠愛澹澹殘秋動別思萬里橋西好風

景可無亭館映參差

廿七日偕吳壽恬顧幼耕程小松朱眉君黃濟川諸君及兒慶涵姪慶敬慶治孫鍾

曾宴集於

艸堂寺

割據營營古蜀州一隅偏爲女郎畱當時節度爭投綯後代詩

人補築樓舊井尙供千汲戶名牋徧染萬吟流由它壯麗紛祠

宇占斷城東十里秋

廿八日復偕同人茶憩於薛濤井之吟詩樓樓爲嘉慶年間李松雲中丞所構

壯懷肯爲別離傷雪棧休虞道阻長頗笑塗鴉難了債豈應飼

鷄要贏糧餐英幾處孤秋甕講樹無心問艸堂未解回腸兩三

事濟師籌餉慎邊防

索書者不拒餽贈者概卻之荷梅招餞者未應其半也

教澤難期愜士紳況聞感泣到斯民題楊愧詡真名士扶杖環

呼好大人半世忝塵香案吏它年合作錦官神勉思三載諄諄

誨虛譽無勞頌召卹

卹家後士民送局及萬民繼議建生祠並詩文歌頌不絕有製牌者曰是真名士可

謂大臣尤愧尤愧出省游山所至鄉城老穉歡迎皆呼爲好大人或出廟宇中旂徽迎接民情之可感如此

風雨重陽夜夜聲到情淡處欲忘情丹鉛乍醒三秋寥雲水難

寒五嶽盟贈策何堪別良友扳轅不忍見諸生簞輿又道游山

去一笑翩然出錦城

重陽來日日風雨余定期十九日啟程十八日坐竹兜子獨先出城住桂湖矣實與

同官及士民難於面別也

升庵故里有遺祠六七冷交來賦詩拜杖憐君投異國謫官幸

我際

昌期間雲出岫知何日叢桂畱人此一時寒水半湖秋漸老殘

荷疏柳徧離思

朱帖舫攜楫追餞於桂湖吳壽恬願効耕胡錦泉孫雲屏朱眉君先後至酒後詩盡醒婦次日

始別

古洞翩翩石燕羣天然橋臥老龍筋沈陰直接蓉城雨快霽全
收劒閣雲撲地晚糧秋熟稼接天官樹古行軍鶴鳴山畔迴頭
處魯國公書漫爰文

一路苦雨至
劍州始晴

山色寒逾別酒濃夷庚漸已陟高峯古今傳述梓潼聖來往揆
尋過化輟入棧卽當驛門樹隔江皇澤寺樓鐘重關鎖鑰真雄
望卅載同年喜再逢

文昌聖境及古卽當驛在梓潼皇澤寺在
廣元廣元令徐乃舉同年余入蜀時卽署

廣元事三載重逢它
處未有爲留住一日

朝天閣下繞江隄入小峩眉又陟梯萬樹巧黏龍背滑一庵危
壓虎頭低七盤山過甫離蜀三夜雨添無數谿行路難兼人事
擾佛崖仙嶺漫攀躋

朝天閣小峩眉龍洞背七盤關千佛
崖飛仙嶺皆廣元地也從此出蜀矣

羌茅廝蜀佐周家古道金牛未足夸嵯峨一山開兩瀆秦蜀四

路出三巴陰平城固皆弓背略谷陳倉互犬牙上滌禹功聯沔

渭好將運道證衰斜

由甯羌州出五丁峽過沔縣褒城作

幾層樓觀入雲煙竹影松聲箇箇圓巖谷無心成竅妙英雄脫

手卽神仙風香紫柏山前路雨溼畫眉關外天笑我名場暫拋

卻倒冠落佩得閒眠

過畫眉關至紫柏山宿留侯廟作

棧閣連旬細雨霏偶逢晴日少光輝秦山攢疊雲平起夜氣荒

寒雪亂飛馬道猶嚴爭勒鞍鳳州娟柳欲牽衣緩傾茅榨新篴

酒兩日攤書靜掩扉

鳳縣寶雞一路阻雪又因念祖姪小病稽程兩日

華嶽高寒帝座臨黃河東去浪沈沈一棧暫作浮家計萬緒難

酬報

國心荒署園亭閒有味晚花香色凍餘溪蜀中父老勤相憶莫

惜因風寄好音

陝藩司徒正卿前輩爲借舊總兵署樓止

東瞿經孽

樹錦

長安大雪經孽攜示錢竹汀宮詹雜文

稿冊上有尊甫木夫先生題記木翁者宮詹壻也

荒園一夜雪無客能過我我亦閉不出呼酒擁鑪火念彼種麥
人才喜飛翼嗟寒節迫中榆盼雪今始果倏聞遽然來清興子
乃頗見示宮詹文百年古香裏木翁謹題記金石雋味夥君承
芬烈餘父書欣負荷作詩出清新訪古蒐奇瑣一一爲吾道笑
口不覺哆天葩更橫飛人意爭破我忘卻青門居想到江南舸
江南我習游魂廬十年墮但苦時事艱尊鱸計猶左茫茫天意
遙踐跋游足跋行止無可言商略幾時可日來灞橋上凍梅開
幾朵與子聯騎行聊堪滌塵襟

題紫陽茶餞圖贈江龍門同年

龍門已去紫陽久邦人思之比父母至今問訊無日疏甘雨流

膏滿我缶麗生作此茶餞圖想見壺漿集童變爲余粗將官事
說時短願長惟貧賈民情易感止一真吏事日卑太多苟媿余
嬾漫青門居新學三緘聊閉口荒園枯莽鴟鵂寒連夜北風作
雷吼蒙君騎馬時過我側耳高譚煥庭牖心悲道路方迢艱眼
望百爾歸仁厚相邀聯騎尋得梅又荷雙魚貫之柳日前同往城南興勝寺看蠟梅昨忽
尋雙魚之惠彎弓試劍膽滿身習畫耽書墨汗肘百技難將
一憾補但解飲茶不知酒君多才我而不能飲酒

題吳仲雲中丞丈詩集

字字華星望若仙玉堂尊宿廿科前後生幾輩同千載使館談
漫十年驟領封圻隆晚節無端感慨入新編今番小別才三
月奉手重逢亦夙緣

雙旌百日莅咸京輿誦流傳已政成滾滾黃河元氣轉稜稜華

嶽峭峯明人言吏事和仍肅我識詩懷老愈清雪意方濃閭里
靜更將文采被諸生

乙卯嘉平月半出游咸陽醴泉盤屋十九日宿樓觀臺
因知李鐵梅前輩爲坡公作生日作此詩寄請教和用
坡公石鼓歌韻

咸豐五載月己丑蕭蕭寥寥暖臂安長安雪薄塵土揚看山且
向終南走驅車先到畢原上落日已黯土囊口成康排比旦望
鄰文陵前峙武耐後既非左右奠昭穆那復陰陽卜六九凌晨
馳叩唐宗陵殘月尙胷趙村柳行天六駿馬從龍陪蟄諸臣星
拱斗經師祭酒孔公碣特補篆題紆我肘昭陵及陪葬墓皆有
畢秋帆分書石碣多
續敗矣余以孔祭酒爲千古經師特先
以篆題補之屬沈桐川大令卽爲刻石其廿七石攷文字其百
餘竄荒榛莠蔣孫沿誤殊可炊趙錢蒐祕眞尙友昭陵東北向
陪葬者皆南

向又皆距陵廿里外蔣驥昌孫淵如所譏醴泉縣志陵圖山盤

紕繆殊甚趙子面石墨鵲華錢獻之昭陵石略多可依據山盤

水厓蟠西南土美泉甘相乳穀東坡居士不羈人少壯奇篇驚

宿者八觀五寺徧吟擊萬秀千幽任呼吸後來外郡閱湖海屢

值玉堂侍主甫一時文雅在蘇門有似笙鏘歸曠收烏乎閒氣

出岷峩俯視羣才皆部嘯方憐作奏馬季長何至論交章子厚

題名今日尙彪炳餘子無從辨誰某

樓觀臺東坡題名與章惇子厚同來左右宋人題名

人多無自嗟好古後韓公我後千年更何有干霄樓觀吞巖巒

拔地煙林老檀栾山頭積雪白似羊谷口孀雲蒼化狗道場附

會遂崇飾老君憩止事或偶

樓觀臺傳是老子說經處故崇奉飾觀

聖人懷玉尙

被褐至道猶龍安見首坡公頗亦事丹元不善韜藏遭擊拊我

今幸值四門闢多言數窮由自取敢將詩語鬪奇險且耽石墨

按癡垢和光同塵豈容易惟雌與黑尙堪守試看古來王與侯

一寢醒餘皆腐朽難逢好事李侍郎聊寫山行爲坡壽

鄆縣題楊潤生大令平安館是日封印

終南山下萬檀纔移取清陰廡舍看歲美人和封篆罷一年又
喜說平安

藍田游輞川至湘子洞下遂返

爭傳摩詰輞川圖今日山荒樹石枯畫意略存湘子洞澹黃林
岫夕陽鋪